



## Gwasanaeth Ymchwil yr Aelodau – Canllaw

### Beth yw Gwasanaeth Ymchwil yr Aelodau?

Mae Gwasanaeth Ymchwil yr Aelodau yn rhan o Gynulliad Cenedlaethol Cymru. Rydym yn hollol annibynnol ar Lywodraeth Cynulliad Cymru.

Rydym yn cefnogi'r 60 Aelod Cynulliad yn eu swyddogaethau etholaethol, sy'n cynnwys eu swyddogaethau craffu a deddfwriaethol, drwy ddarparu briffiau ymchwil diduedd, cyngor a gwasanaethau Llyfrgell ar gyfer Aelodau unigol, eu staff, a phwyllgorau'r Cynulliad.

Mae Gwasanaeth Ymchwil yr Aelodau yn rhan o Gyfarwyddiaeth Busnes y Cynulliad, sy'n darparu cymorth seneddol arbenigol i Aelodau er mwyn sicrhau bod busnes y Cynulliad yn cael ei gyflawni mewn modd effeithlon ac effeithiol. Mae'r Gyfarwyddiaeth hefyd yn cynnwys Gwasanaethau'r Siambr a Deddfwriaeth, Gwasanaeth y Pwyllgorau, a'r Gwasanaeth Cyfieithu a Chofnodi Seneddol.

Mae Gwasanaeth Ymchwil yr Aelodau yn cynnwys:

- tri thîm ymchwil sy'n cynnig cyngor arbenigol mewn meysydd polisi penodol;
- tîm ymchwil sy'n cynnig gwybodaeth ariannol ac ystadegol arbenigol;
- Llyfrgell yr Aelodau, gwasanaeth gwybodaeth a chyfeirio;
- swyddfa ym Mrwsel sy'n cynnig cyngor, gwybodaeth a chymorth ar faterion yn ymwneud â'r Undeb Ewropeaidd.

### Sut rydym yn cefnogi Aelodau'r Cynulliad?

- Drwy ddarparu briffiau ymchwil i gefnogi Aelodau'r Cynulliad yn eu gwaith craffu ar ddeddfwriaeth a pholisi.
- Drwy ateb ymholiadau sy'n ymwneud â gwaith etholaethol neu fusnes yn y Cyfarfodydd Llawn neu'r pwyllgorau.
- Drwy ddarparu deunydd ar gyfer areithiau, ymweliadau neu ymddangosiadau yn y cyfryngau.

Gall Aelodau'r Cynulliad ofyn am:

- ateb i gwestiwn penodol;
- briff manwl ar faes polisi neu bwnc;
- dadansoddiad ystadegol neu economaidd;
- adolygiad o lenyddiaeth neu ddadansoddiad beirniadol o ganfyddiadau ymchwil sy'n bodoli eisoes;
- cyfarwyddyd a chyngor ar wybodaeth sydd eisoes ar gael



## Gwasanaeth Ymchwil yr Aelodau – Canllaw

- mynediad at ddewis o adnoddau'r Llyfrgell ac adnoddau electronig;
- arolygon ar raddfa fechan.

### Beth rydym yn ei gyhoeddi?

Caiff ein holl gyhoeddiadau eu creu ar gyfer Aelodau'r Cynulliad yn bennaf, ond lle bo modd, byddwn hefyd yn eu cyhoeddi ar ein [gwefan](#). Gwnawn ein gorau i'w darparu ar ffurfiau eraill ar gais. Sylwer nad yw cynnwys y briffiau o angenrheidrwydd yn cael eu diweddarau i adlewyrchu unrhyw newidiadau a wneir wedi'r dyddiad cyhoeddi.

Mae ein [Papurau Ymchwil](#) yn ymdrin â phynciau sydd o ddiddordeb cyfredol i'r Cynulliad, neu yn darparu briff rheolaidd ar bynciau penodol, e.e. datblygiad darn o ddeddfwriaeth neu broffil etholaethol. Maent yn anelu at fod yn wleidyddol ddiuedd ac yn cynnwys gwybodaeth ffeithiol yn ogystal ag ystod barn ar y testun a drafodir.

Yn fras, mae ein papurau ymchwil yn ymdrin â'r testunau canlynol:

- Y Cynulliad, Etholaethau a Llywodraethu
- Cyllid a Chyllidebau
- Diwylliant, Addysg a Chydraddoldeb
- Datblygu Economaidd, Trafnidiaeth a Chynaliadwyedd
- Ewrop
- Iechyd, Lles a Chyfiawnder Cymdeithasol
- Llywodraeth y DU a'r Broses Ddeddfu

Mae ein canllawiau [Hysbysiadau Hwylus](#) yn cynnig cyflwyniad byr a chryno i amrywiaeth o brosesau a chysyniadau. Mae canllawiau ar gael yn y meysydd canlynol:

- Y Cynulliad, Etholaethau a Llywodraethu
- Cyllid a Chyllidebau
- Datblygu Economaidd, Trafnidiaeth a Chynaliadwyedd (yn cynnwys Cynllunio)
- Ewrop

Mae [Papurau byr](#) ar gael ar nifer o bynciau sydd o ddiddordeb i Aelodau'r Cynulliad. Mae pob briff yn cynnwys cyflwyniad dwy dudalen cryno i'r pwnc, yn ogystal â dolenni i ddogfennau allweddol.

### Llyfrgell yr Aelodau

Mae'r Llyfrgell yn darparu gwasanaethau gwybodaeth a chyfeirio i Aelodau, eu staff a swyddogion. Mae'n cynnig mynediad at gyhoeddiadau'r Cynulliad a chyhoeddiadau swyddogol, ystadegau, deunydd cyfeirio cyffredinol, papurau newydd, cyfnodolion ac adnoddau gwybodaeth electronig. Nid yw'r Llyfrgell yn agored i'r cyhoedd.



## Gwasanaeth Ymchwil yr Aelodau – Canllaw

### Swyddfa UE Cynulliad Cenedlaethol Cymru

Sefydlwyd presenoldeb Cynulliad Cenedlaethol Cymru ym Mrwsel ym mis Tachwedd 2004 gyda'r bwriad o ddarparu gwybodaeth gynnar i Aelodau'r Cynulliad am faterion yr Undeb Ewropeaidd o bwys i Gymru. Lleolir y swyddfa yn Nhŷ Cymru yng nghalon ardal sefydliadau'r UE ym Mrwsel, ochr yn ochr â swyddfa Llywodraeth Cynulliad Cymru a chynrychiolaethau eraill o Gymru.

### Sut y gallwch chi ein helpu

Er nad ydym yn delio ag ymholiadau gan y cyhoedd, rydym yn falch o dderbyn copiâu electronig neu argraffedig o gyhoeddiadau newydd, neu gael ein hysbysu am gyhoeddiadau newydd a allai fod o ddiddordeb i'n staff ymchwil.

Rydym yn croesawu sylwadau ar ein cyhoeddiadau, a byddem â diddordeb arbennig mewn clywed gan ymchwilwyr sy'n gweithio mewn meysydd pwnc cyffelyb. Byddem hefyd yn ddiolchgar o glywed am gynadleddau, seminarau a digwyddiadau rhwydweithio eraill a allai fod o ddiddordeb i'n hymchwilwyr.

Dyma ein **manylion cyswllt**. Dylid nodi nad oes modd i'n hymchwilwyr roi cyngor i'r cyhoedd.

[Kathryn Potter](#)



029 2089 8038

**Pennaeth Gwasanaeth Ymchwil yr Aelodau**

[Martin Jennings](#)



029 2089 8057

**Arweinydd Tîm Ymchwil: Cyllid ac Ystadegau** yn cynnwys cyllid a chyllidebau'r Cynulliad, cyllid llywodraeth leol, ystadegau cyffredinol, dulliau a ffynonellau.

[Graham Winter](#)



029 2089 8166

**Arweinydd Tîm Ymchwil: Yr Amgylchedd a'r Economi** yn cynnwys trafndiaeth, ynni, cynllunio, amaethyddiaeth, pysgodfeydd, datblygu gwledig, datblygu cynaliadwy, coedwigaeth a'r Undeb Ewropeaidd.

[Sarah Hatherley](#)



029 2089 8447

**Arweinydd Tîm Ymchwil: Iechyd a Pholisi Cymdeithasol** yn cynnwys gofal cymdeithasol a gwasanaethau cymdeithasol, cyfle cyfartal, plant a phobol ifanc, pobl hyn, cyfiawder cymdeithasol, adfywio, tai, sector gyhoeddus, diogelwch cymunedol, camddefnyddio cyffuriau ac alcohol.

[Anne Thomas](#)



029 2089 8966

**Arweinydd Tîm Ymchwil: Addysg, Diwylliant a Llywodraethu** yn cynnwys dysgu gydol oes, chwaraeon a hamdden, yr Iaith Gymraeg, llywodraeth leol, gwasanaethau cyhoeddus a materion cyfansoddiadol.

[Gregg Jones](#)



00 32 2226 6692



Cynulliad Cenedlaethol Cymru

## Gwasanaeth Ymchwil yr Aelodau – Canllaw

Pennaeth Swyddfa UE Cynulliad Cenedlaethol Cymru yn cynnig cyngor, gwybodaeth a chymorth ar faterion yn ymwneud â'r Undeb Ewropeaidd.

[Stephanie Wilson](#)




029 2089 8629

Pennaeth Llyfrgell yr Aelodau

**Anfonwch eich cyhoeddiadau ar ffurf argraffedig neu electronig at:**

Llyfrgell yr Aelodau  
Gwasanaeth Ymchwil yr Aelodau  
Cynulliad Cenedlaethol Cymru  
3<sup>ydd</sup> Llawr, Bae Caerdydd  
Caerdydd CF99 1NA

 + 44 (029) 2089 8097

[MembersLibrary@wales.gsi.gov.uk](mailto:MembersLibrary@wales.gsi.gov.uk)

Gwefan:

<http://www.cynulliadcymru.org/bus-home/bus-guide-docs-pub/bus-assembly-publications-research.htm>